



Шогмо эл, порымш да гим берг!

9-ше (3397) №,
2019 ий 2 март,
шуматкече.

ЯМДЕ-ЛИЙ

1933 ий 1 февраль годсек лектеш.

0+

Уш-акыл вий – йылмыште



Авторын фотожо.



27 февральште
Йошкар-Олаште шочмо
марий йылме да литератур,
кугыжаныш марий йылме,

ИКН предмет-влак дене республи-
кысе олимпиаде лийын. Тушто 9-11-ше
класслаште тунемше 153 йоча танасен.
Нуным Марий Эл Республикысе образова-
ний да науко министрын алмаштышыже
А.В.Иванов, Тұвыра министрын алмашты-
шыже Г.С.Ширяева, МарГУ-н Калыкле
тұвыра да тұвыра кокласе коммуникаций
институтын вуйлатышыже Р.И.Чузаев салам-
леныт. Эрлашыжым ты танасымаш регион-
влак кокласе олимпиадыш куснен.


Тунемше-влакын Всероссийский
олимпиадыштын регионсо этапше
Марий Эл Республикыште 11 январь гыч 25
февраль марте эртен. Кандашшүдө утла
школьник 21 предмет дене уш-акылжым тер-
ген. Политехнический лицей-интернатыште,
Йошкар-Оласе 28-ше да 11-ше номеран
лицейлаште тунемше-влак түрлө предмет
дене күкшө лектышым ончыктеныт.

Шочмо марий йылме да литератур дене уш-
акылым тергыше пайремыш Пошкырт, Татарстан
республикла да Свердловск кундем гыч толшо
тунемше-влак ушненыт.

Теве Морко район Унчо школышто 11-ше
классыште тунемше Анастасия Дмитриева
(ончылно) шочмо марий йылме дене олимпиа-
дыште кумшо ий почела шинчымашыжым терген.
Республикысе да регионсо олимпиадыште эре
сеньше лийын. Теният пүсө уш-акылже дене ойыр-
темалтын. Умаште Озан олаште эртаралтше кугы-
жаныш йылмыла дене Всероссийский олимпиадын
II турыштыжо танасен, призёр радамыш
лектын.

– Шочмо йылмын кугу куатан улмыжым умылаш
полшымыжлан, йочан шүм-чоныш шынгарен мошты-
мыжлан да келге шинчымашым пуэн шогымыжлан
марий йылмым да литературым туныктышем Римма
Николаевна Петровалан тауштем, – оила Настя.

Л.ГРИГОРЬЕВА.




Кө эн писе?

Лётчик-испытатель В.В.Егоров лүмеш ече дене тагасымаш Морко район Шордур школышто эртен. Районысо школла гыч ятыр ечызе толын. Нуным талешке-лётчикын аваже саламлен. Роза Ивановна ден Владимир Васильевич үмырышт мучко верысе школышто тыршенят, вич шочшым ончен куштеныт, сай шинчымашым пуэныт. Учашымаште сеныше-влаклан Почётан грамотым да шарнымаш медальым кучыктеныт.

Е.ВАСИЛЬЕВА.



Спорт пайремыш толшо уна-влак.



«Тұвыра дневник»

Россий Федерацияысе просвещений министерстве ден тұвыра министерстве тунемше-влаклан проектым ямдылымышт нерген увертареныт. Ойлымышт почеш, кажне тунемше ий еда икмыняр ончерыш, концертыш, музейыш але спектакльыш миен толшаш, сай руш фильм-влакым ончышаш. Мӧнгыштат тидым ышташ лиеш. Мутлан, «Российская электронная школа» платформышто виртуальный музей, спектакль да фильм-влакым ончаш лиеш. Йоча-влак шке шонымашыштым «тұвыра дневникиш» возат.

– Ме сай пашам илышыш шындараш ямде улына. Түрлө амаллан көра йоча-влакым тұвыра могырым шуарымаш шенгелан кодын. Школ программыштат тидлан шагал жап ойыралтеш. Садлан ме Тұвыра министерстве дене пырля «культурный нормативым» ямдылаш тұнгалына, – палемден Просвещений министр Ольга Юрьевна Васильева.




Тений Марий
Элыште 3332 выпускник ЕГЭ-м
куча. Икымше экзамен – 27 майыште,
тунемше-влак географийым да литера-
турым палымыштым тергат.

Историйым шергалына

1799 ий 3 мартыште вице-адмирал Фёдор Фёдорович Ушаковын вуйлатыме руш эскадр Средиземный тенызысе Ионический отросо Корфу орым (крепость) сенен налын. Тунам Корфу эн виян орлан шотлалтын. Тудым француз гарнизон арален.

Туныктышо

Икымше туныктышем, Валентина Ивановна, мыланем шинчымаш тўняшке икымше ошкылым ышташ полшен: возен мошташ, буква палаш, лудаш. Фольклор кружокышто кушташ туныктен, түрлө конкурсыш коштыктен. Валентина Ивановна – поро кумылан, пашажым да йоча-влакым йоратыше туныктышо. Тудо 37 ий школышто пашам ышта. Ме 5-ше классыште тунемына гынат, кажне кечын тудын дене вашлияш жапым муына.



Полина ПЕТУХОВА, 5-ше класс.

У Торъял, Кузнеч.

Таче, 2 мартыште, Национальный президент сымектыш школышто Йоча искусство школлаште струнно-смычковый семўзгарла дене шоктышо ансамбль-влакын республикысе конкурсышт эрта. 220 самырык музыкант «Дуэт» да «Ансамбль» тагаслаште усталыкшым терга.

23 мартыште «Эрвий» СДПО Йошкар-Оласе «Спартак» тазалыкым пентгыдемдыше комплексыште «Сильному роду нет переводу!» республикысе конкурсым эртарат. Тагасымашке спорт дене кылым кучышо, шке тукумым шымлыше да районлаште сенышыш лекше еш-влак ушнат.

29 мартыште Национальный президент сымектыш школышто «Самырык тукум» йоча усталык республикысе конкурс лиеш. Тудо Театрын идалыкшылан да Марий Элын 100 ияш лўмгечыжлан пўлеклалтеш. Тагасымашке 7-15 ияш тунемше-влак ушнат. Пайрем 10 шагатлан тұнгалеш.

Шочмо йылмын тўнямбал кечыжлан да Тўп калык-влакын йылмыштын идалыкшылан пӧлеклалтше пайрем Национальный президент школ-интернатыште эртен. Тушто мер пашаен, туныктышо, просветитель, марий сылнымутын классикше С.Г.Чавайн лўмеш пӧлемым почыныт. Ты сомылым ворандарен колтымаште школ-интернатын директоржо Л.Г.Иксанова, марий йылмым да литературым туныктышо Э.В.Петрова, музыкально-театральный 5-ше «Б» классыште тунемше-влак хот тыршеныт.

– Чавайн пӧлем эр гыч кас марте йоча йўк

Тудын гай лийнем

– Кӧ тыгай Сергей Чавайн? – Йодышым пуат мылам.

Вашмутем лиеш тыгай:

– Тиде ег, – тыге манам, –

Шочмо мландым йӧратен,

Пошкудо-влакшым пагален,

Калык ден(е) келшен моштен,

Полыш кидым шуялтен.

Сылнымутчо шуко-шуко

Произведенийым серен.

«Ото» лўман почеламутым

Марий еглан пӧлеклен.

Чавайн пример мыланем –

Тудын гай мыят лийнем.

Калыкемын илышыжым

Пиаланым, волгыдым ужнем.

Даша ЮРЬЕВА.

Национальный президент школ-интернат.

дене темше

лиеш, –

ойла Ли-

дия Ген-

надьевна.

– Тыште 5-9-ше

класслаште тунемше-

влаклан марий йылме да марий литера-

тур дене уроклам эртарена. А изирак-влак унала толаш

тўналыт.

Пайремыште ятыр уна лийын. Нунын коклаште – Сергей

Чавайнын уныкаже Сергей Юрьевич Чавайн да кугезе уны-

каже Евгений Михайлович

Максимов (снимкыште).

«Сер-

гей Григорьевичын илыш корны-

жым, творчествожым шымлен,

тудым шарнен илымыланда кугу

таум каласена. Кочанан сылнымут

пашажым те, самырык тукым,

умбакыже виянден колтеда манын

ўшанена», – ойленит нуно.

Л.ГРИГОРЬЕВА.



Чавайнын тукымжо

кушкеш

– Тыште 5-9-ше класслаште тунемше-влаклан марий йылме да марий литератур дене уроклам эртарена. А изирак-влак унала толаш тўналыт.

Пайремыште ятыр уна лийын. Нунын коклаште – Сергей Чавайнын уныкаже Сергей Юрьевич Чавайн да кугезе уны-

каже Евгений Михайлович Максимов (снимкыште).

«Сергей Григорьевичын илыш корныжым, творчествожым шымлен,

тудым шарнен илымыланда кугу таум каласена. Кочанан сылнымут

пашажым те, самырык тукым, умбакыже виянден колтеда манын ўшанена», – ойленит нуно.

Л.ГРИГОРЬЕВА.

Максим БЕЛЯЕВ

(снимкыште покшелне): «Пӧлемым почмо кечым чон вургыж вученам. Мый пайремыште Чавайн «лийынам». Марий тувырым чиен, кугу писательнын возен кодымо шомакшым ойленам. Шўм-чонемым кугешныме кумыл тарватен».

Шочмо йылмын тўнямбал кечыже вашеш марий йылмым да литературым туныктышо Марина Эвриковна Михайлова класс шагатыште йылмынан эн шерге улмыш нерген ойлыш. Марий йылмын виян толмо корныжым шергал лекна. 5-6-шо класслаште тунемше-влак (снимкыште) викториныште уш-акылыштым тергышт. Почеламутым сылнын лудмо конкурсыш кумылын ушнышт.

Ксения ВЛАДИМИРОВА.

Морко, Купсола.



Кугу Шале ялысе книгагудын пашаенже-влак Алевтина Николаевна ден Лилия Сергеевна пайремышке ушнышт: конкурслам эртарышт.




Сылнымут лудмаш

Звенигово книгагудышто «Марий улам, марла ойлем» сылнымут лудмаш эртен. Тудо Шочмо йылмын тўнямбал кечыжлан пӧлеклалтын. Лудмашыш Провой кундемын тўрлӧ школжо гыч тунемше, туныктышо, библиотекарь да марий сылнымутым йӧратыше-влак погыненыт. С.Чавайнын, С.Николаевын, В.Колумбын да моло марий мутмастар-влакын почеламутыштым сӧралын йонгалтареныт. Мый В.Колумбын «Йўд кушто ила?» почеламутыштым лудынам. Сенымаш копилкышкем кокымшо степенян дипломым ешаренам.

Аня ВИНОГорова.

Звенигово, 2-шо номеран Красногорский школ.





Марий калык – пүртүсүн шочшыжо. Ожнысек тудын вийжылан ұшанен илен. Поснак пушенге-влакым жапленыт: тумым, пызлым, куэм, лүмегожым... Нуным аралтыш

семян але эмлалташ

кучылтыныт. Теве марий бизнесен **Николай МАМАЕВ** лүмегож гыч түрлө арвер-влакым ышта: йолчиемлан портышым (стелькым), кўпчыкым, мончаште лўкамбалне ырен шинчашлан изирак шартышым. Тыгодым пўртўс материалым веле кучылтеш. Эсогыл шочмо Кугу Регеж ялыштыже 1 гектар мландым налын, лўмегожым шынден. Ий гыч ийыш ешарен шында.

- **Николай Иванович, тыгай шонымаш кузе да кунам шочын?**

- Лўмегож нерген книгалаште, Интернетыште ятыр лудынам. Тўрлў пушан портыш-влакым ужалымым ончен коштынам. Шке семынем шоналтышым: натуральныйым ышташ лиешыс. Йолташем-влак ұшанен огытыл. Иктаж 5 ий ончыч лўмегож дене икымше партийым ыштышым. Ала-мо огеш ситыла чучо. Мўйым йыгалтен ончышым. Вара тыгыдемдыме (дроблўный) лўмегожым ешарышым. Ёмбачше материал дене ургышым да шке капыштем терген ончышым. Моткоч келшыш.



Юзо виян лўмегож

- **Молан лач лўмегож да мўй?**

- Лўмегожышто могай гына вещества уке: киш, эфир ўй (йолым ырыкта), шыште, олма уксус, кутко кислота, минерал шинчал, танин, пектин, 40% сахар, спирт да молат. Тиде вондер 4 тўжем ий марте ила, мемнан кундемыште 600-700 ий наре илен кертеш. Тудо огеш шўй, пушкыдо вондерлан огеш шотлалт.

Ий гыч ийыш пенгыдемеш. Ме иле пушенге-влакым огына кучылт. Пўртўслан энгекым огына кондо. Вондер кошка – налына, олмешыже весым шын-дена. Кукшо пушенгынат пайдаже нимынар огеш изем. Имыже-влакым чай семян кучылташ лиеш. Тудо вашталташ лийдыме: тазалыклан моткоч пайдале, пагарым да молымат эмла.

- **Тыгай арвер-влакын пайдашт могай?**

- Лўмегож чыла микробым пытара. Уло йолчиемым дезинфицироватла. Грибок-влак деч арала да йолым кукшышто кучаш полша. Йолчиемым

кудашатат, лўмегож дене веле ўпшалтеш. Йол изи йочанла веле чучеш.

- **Кызыт Йошкар-Олашке ятыр турист толын коштеш. Тўрлў эллашке налын каят, очыни.**

- Турист-влак йолчиемлан стелькым сувенир, пўлек семян налын каят. Ёрыт, «тыгайым нигушто ужын огынал» маныт. Кугытшо дене кугу верым огеш нал, неле огыл. Россий мучко мемнан арверна-влакым кучылтыт, Интернет гоч наледат.

Х.АЛЕКСАНДРОВА мутланен.



«Окружающий мир» урокышто тунуктышына пўртўсым аралыме, кайык-влак-лан полшымо нерген ойла. Игече вашталтмым эскерена. Мылам тиде урок пеш келша. **Алина НИКОЛАЕВА. Морко, Волаксола.**

Ямде пагыт

Шошо пагыт – ямде пагыт. Кече ырыкта кыртмен. Ужар шудо уремлаште Нўлталантеш эр юж ден. Кайык-влак памаш вўд деке Куаналын чонештат. Икте-весе дене танасат, Сылнын-сылнын муралтат. **Юлианна Чаплыгина. Пошкырт, Мишкан, Яныш Ялкайн лўмеш Чорай марий гимназий.**



Тумнан пўйжў уке.

Тумна эн шып чонештылеш.

Тумна-влак шўйыштым 270 градус марте савырен кертыт.

Тумнан шинчаолмаже уке. Ончыко гына ончен кертеш.



Иван РЕПИНЫН сўретше. Советский, Ёрша.

*Кө чодырам ок
йöрате, тудо шкалан-
же ике тумман.*

1.Корак ешыш пурышо кужу почан, ош шулдыран кайык. 2.Пöрт воктене ила. 3.Могай кайык йöр толмым шижтара? 4.Кажне шошым пушенгыш сакена. 5.Могай кайык эн сылнын шүшка? 6.Тиде кайык коям йöрата.

Кирилл

ЭЛЬТЕМЕРОВ.

Кужэнгер,
Йүледүр.



Үшанен КОДЫНА

Теле тиде түрлө пайрем-влак веле огыл, тугак чатлама йүштө да писе мардеж. Телылан кодшо кайык-влак-лан эн неле пагыт. Мланде үмбалне улшо кочкышым лум петырен. Кайык-лан кочкышым муаш йөсө. Ме кугу польшым пуэн кертына.

Школыштына «Кайыкым телым пукшыза» акций эртен. Тудым туныктышо Светлана Феликсовна Ельмеева ямдылен. «Кайык-влак-лан эн сай кочмывер», «Телымсе кайык-влак» сүрет выставке, викторине-влак эртаралтыныт. Сад-пакчашке кормушко-влакым сакенна. Тушко черет дене кочкышым оптена.

Матвей КУКЛИН.
Советский, Кукмарий.

Кроссворд



Шошо оза

Вашке шошо пагытын эн йöратыме пайремже толын шуэш, 8 Март – Үдырамаш-влакын тўнямбал кечышт. Айста пырля кова, ава, ака-шўжар-влак-лан, туныктышо-влак-лан мотор пеледышым пöлеклена. Ұлылысö сүрет-влакым ончен, гиа-цинтым кагаз гыч ыштыза.

Шошо вельш пүртүс лупшалтеш.
Лызга мардеж мурыла йонгалтеш.
Канде каваште кечыжат шыргыжеш,
Да кечыйол окнаштем ылыжеш.
Игече кечын-кечын эркин вашталтеш.
Вашке шошо озан мотор түсшö шарла.
Лывыла кумылем кечылан шыргыжеш,
Шулдыранше шўмем куатлын кыра.

Юлия ИВАНОВА.

Кужэнгер, Шорсола.

Тушто

Лышташ воктене ший онгыр кеча.


Печке, печке үмбалне печке, печке үмбалне шондаш.

«Йошкар герань»

Акций

Мемнан школышто кажне ийын түрлө акций эрта. Мутлан, У ий деч ончыч «АРТ-ель» акций годым түрлө материал гыч сöрал деч сöрал кож-влакым ыштышна да школ фойем сöрастарышна. Тиде акцийым «Пүртүс йочан шинчаончалтышыж дене» фотоконкурс алмаштыш. Фотошто улшо пүртүсым ончалын, кумыл кўза. Теле мучко «Кайык-влакым пукшына» акций эрта, а майыште «Йошкар герань» акцийыш уло школ ушна. Ончен куштымо пеледышна-влакым райрүдысö памятник да обелиск воктеке луктын шындена.

Юлия УСОВА,
6-шо класс.
Марий Турек школ.



3 март – Писательын тўнямбал кечыже.

Курыкмариий район Немычсола ялын эргыже, журналист, кусарыше, Россий Писатель ушемын енже, Марий Эл Республикысе тўвыран сулло пашаенже **Ипполит Иванович ЛОБАНОВ (снимкыште)** «Марий Эл Республикын калык писательже» лўм дене палемдалтын. Редакция пашаен да газетым лудшо-влак лўм дене шокшын саламлена.

КОРНЫМ ПОЧО «ЯМДЕ ЛИЙ»

– Сылнымутыш икымше ошкылым кунам ыштенда?


– Тиде усталыклан пўртўс шўманда. Енғын туныктымыж почеш ни гунам возаш от тўнал. Йырымваш улшо моторлыкым изинек ужын моштенам, чонем дене шижын, ылышым умылаш тунемынам. Вара тиде шижмашым кагазыш пыштенам. Икымше почеламутым визымше классыште тунеммем годым серенам. 1967 ийыште «Теле кечын» почеламутем «Ямде лий» газетеш савыкталтын.

– Варажым йоча-влаклан ятыр лудышым савыктенда.

– 1981 ийыште «Угўц шўжў» икымше книгам шольо-шўжар-влаклан пўлекленам. Йоча-влаклан ныл почеламут сборникым савыктенам: басным, поэмым, ойлымашым, вершўр-влакын лўмыштым шымлен возенам. Композитор-влак почеламутемлан ятыр йоча мурым келышареныт. 2017 ийыште «Кым корны» ойлымаш да очерк-влак книгам лектын. Эше ик книгам савыкташ ямдыленам.

– Кызыт йоча ны лудаш, ны возаш кумулан огыл. Кузе шонедат, ты тўрсырым кузе корандыман?

– Яллаште калыклан паша-вер лийшаш. Тунам самырык тукум шочмо верешыжак илаш кодеш. Тыге ял тўзлана, йоча-влак ешаралтыт. Яндар южым шўлен, ямле пўртўс коклаште кушкын веле сылнымутлан шўмангаш лиеш. Йочам изинек спортлан, сылнымутлан, тўвыралан кумулангдыман. Ньюгалан шепкаште кийымыж годы-



Марий Эл

Республик гыч Россий писатель ушемыш 62 еным пуртымо. Тышеч ныл писатель: Леонид Яндаков, Юрий Галютин, Мария Илибаева, Ипполит Лобанов – «Марий Элын калык писательже», Геннадий Сабанцев ден Анатолий Тимиркаев «Марий Элын калык поэтше» лўмым нумалыт.

мак шочмо йылмыж дене возымо сылнымутан книгам лудман. Йочасадыштак марий муровлакым туныктыман. Школышто марий йылмым туныктышо Ольга Филипповна Михайлова шочмо йылме дене возымо произведенийлам мыланна йўкын лудыктен. Ой, чот келша ыле тыгай паша. Пўртўс дене кылым кучен, коча-кован ойпогыштым колыштын, марий мурсем дене танлалтын, ончыко ўшанле ошкылым ышташ лиеш.

Л.ГРИГОРЬЕВА мутланен.

Фотом «Ончыко» журналын архивше гыч налме.

Ипполит ЛОБАНОВ

Линем лётчик

Кўшнў вўсў самолёт,
Паштек кишўм кода.
Ух, махань герой пилот,
Тўдўм поктен шода.

Йўла бнде йангемжўт,
Линем патыр лётчик.
Тонна улы мўнўйнўт
Мадыш самолётем.

Кидўштемжў мадыш кек,
Ылеш пумага гўц.
Колтем вет мўнў кечў век,
Вўсў пакры,пакры.



Лўмгече

26 февральыште марий мутмастар Василий Рожкинын шочмыжлан (Советский район Кўшыл Кодам) 105 ий темын.

Рожкин лўмеш

Шочын тудо Кодам велне,
Илаш толын Кужмараш.
Тиде ялже тудлан лийын
Ўмыр мучкыжлан пыжаш.
Калык тудым пагала
Да шарнен ила тачат.
Тудын илыме времаже
Неле лийын, эх калтак.

Сар жап годым неле лийын:
Чыташ лийдыме улмаш.
Но совет салтак-влак вийын
Ошкыл(ы)ныт ончыко чылан.
Яра жапше годым Рожкин
Чонжым почын перо ден.
А мут-влакше рын шогал(ы)ныт,
Почеламутыш савырнен.
Моктен тудо шке вершўржым,
Йолташ-влакшым мокталтен.
Да кырен колташ ир-влакым
Йодын уло чонжо ден.
Тудын мутшо-влак чылаштым
Эре ончык нангаеныт.
Кеч-мыняр гынат салтакын
Изи чонжым паремденыт.
Садланак ме она мондо
Шке землякнам курымеш.
Тек ила мемнан ден тудын
Поро шўлыш курымеш.

Эмилия ВАСИЛЬЕВА.
Звенигово, Нуктуж.

Мөнгө пашам ыштыме шотышто ой-кагаш:

1. Мөнгө пашам ышташ шичме деч ончыч гаджетет-влакым шылте.

2. Мөнгө пашан ужашыжым школыштак ыште. Перемен годым жапым арам ит йомдаре.

3. Канаш ит мондо. Кажне кумло минут гыч минуташ канышым ыште.

4. Ежедневникым нангай. Тушко кажне предмет дене пуымо мөнгө пашат нерген сере.



«Пионерская правда» газет (2019 ий, 7-ше №) гыч налме.

Сенгымашым лишемден

Кугезе кочам Василий Иванович Исаев ныл ий Кугу Отечественный сарыште лийын. Сар деч ончыч колхозышто трактористлан пашам ыштен. Война годым танкист лийын. 1946 ийыште кочам колден. Мый кугезе кочам дене кугешнем.

Антон МАСЛЕННИКОВ.

Марий Турек, Сысоево.

Ö р ш а школыштына Патырлыкым шуарыме тылзе жапыште «Нунын лұмышт – курымешлан калыкын шұмыштыжō» да «Мемнан армияна эн тале!» теме почеш сүрет конкурс эртаралте. Тушто 1-9-ше класслаште тунемше йоча-влак тагасышт. Те **Вика ПОЛУШИНАН** сүретшым ужда.



Р.Г.АНТРОПОВА, туныктышо. Советский район.

1 март - Пырыс-влакын кечышт.




Сүретым чиялте.



Кўшнō каваште йўла чолга шўдыр. Меж шўртō коклаште – кўнчыла шўдыр.


Айдемын уло перкалыше шўм, А пушентын – кўжгў шўм.



Ер покшелне иеш лудо. Тўсшат мотор: лудо-лудо.

Л.СОШИН.

Мастар кид



Индекс: Марий Элыште, Пошкырт ден Татарстан кундемлаште - П4696. Тираж 1150 экз. Заказ 337. Формат – А-4-8. Директор-тўн редактор Л.В.СЕМЕНОВА.
E-mail: yamde_lii@mari-el.ru, yamde_lii@mail.ru
Сайтын адресше: yamde-lii.pro, Тел. 8(8362) 45-22-82(факс)

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугужаныш унитарный казна предприятий.
Газетым редакцийыште погымо да версталыме, «СТРИНГ» ИПФ ООО-што ямде оригинал-макет гыч савыктыме. Типографийын Строитель урем, 95.

Газетым Массовый коммуникаций сферыште да культур наследиим аралымаште законодательством шуктен шогым эскерше Федеральный служын Приволжский федеральный округысо управленийыштыже регистрироватлыме.
Номер – ПИ №ФС 18-1999, 2005 ий 10 февральыште пуымо.
адресше: 424006, Йошкар-Ола,

0+ Печатыш пуымо жап – 14-00, фактически – 13-00
Авторын да редакцийын шонымышт түрлō лийын кертыт. Серыш-влак мōнгеш огыт колталт. Ак – кутырен келшыме почеш.
Редакцийын да издательын адресше: 424006, Йошкар-Ола, СССР Вооруженный Вийын 70-ше идалыкше урем, 20 (почтовый) Эгерўмбал Амстердам, 1 (фактический).



Нине чатка пугольмовлакым йоча-влакын ачашт ыштен конденыт. Ынде ўдыр-рвезе-влак йочасад кудывечыште лумым эрыктат.
Н.М.КУЧЕРГИНА, воспитатель.
Шернур, Кукнур.


Ольош йолташем дене изи годсек келшена. Ик классыште тунемына. Пырля ик йочасадыш коштынна. Икымше класс гычак ик парт коклаште шинчена. Ольош, эн ўшанле йолташем, мыланем полшаш эреак ямде. Тыгай йолташ дене кузе от кугешне!



Ваня ЗОЛИН.
Медведево, Знаменский.

Калыкмут

Март – шошо тўналтыш.
 Мартыште ончылнат,
 шентелнат – теле.




Кок икгай кайыкым му.

Физкультминутко

Канена

Паша пытыш – канена,
 Вер гычна тарванена.
 Кугунрак шўлалтена,
 Кок киднам шаралтена.
 Шолаш, пурлаш савырнал,
 Тўрштылаш пырля тўнал.
 Икыт, кокыт – тыгерак,
 Тўрштен колто писынрак.
 Каныш лие – шинчына.
 Пашанам тўналына.

Н.Д.ИЛЬИНА.
Волжский, Карай.



Ик шырпым верже дене вашталтен, чын вашмутым ыштыза.




Шырпе дене ида мод!

Мичу Колю йолташыж дек унала толын. Но кушто илымыжым монден колтен. Шарна: Колюн окнаштыже пеледыш кўршўк шога, а окнашовычшо сўретан, тўсшў йошкарге огыл.

Мичулан йолташыжын пачержым муаш полшо.



Газетым ыштымаште Интернетысе сўрет-влакым кучылтмо.



Цифрлан келшышын чиялте. Мо лектеш?

1 2 3 4 5